

2023 NCEA Pūrongo Aromatawai

Te Marautanga o Aotearoa	Hauora
Rā Aromatawai	4 Hepetema & 11 Hepetema 2023
Te Momo Aromatawai	Tūmahi Aromatawai Pātahi
Te Paerewa Paetae	92059 (1.4) Kaupae 1

Wāhanga 1: He Tirohanga Whānui

He paerewa paetae e whai wāhi atu ki ngā wheako ā te ākonga. Ka taea e te ākonga te whakahāngai ōna ake wheako ki ēnei paerewa paetae.

He kaupapa e whakaatu ai i te whanaungatanga (92059).

Wāhanga 2: He kōrero mō te Paerewa

92059: Te whakaatu māramatanga mō te whanaungatanga

Te Aromatawai

Nā te ākonga anō i kōwhiria te horopaki aromatawai. Nā te ākonga anō te āhua o te taunakitanga i whakatau. I aro ki tētahi horopaki whanaungatanga i tōna whānau, i tōna kura rānei hei kōrero māna. He waka ama, he kapahaka, he hākinakina ētahi horopaki i tautohua.

Tirohanga

I eke panuku, i eke tangaroa ngā mahi a ngā ākonga i runga i te aronga ki ngā horopaki e kaingākauanui ana. Nā ngā wheako o te ao ākonga i whakamahi hei kōrero whanaungatanga māna i tēnei paerewa paetae. He aronga nui ki ngā wheako whanaungatanga o te kura ara te waka ama, te kapahaka, te hākinakina hoki.

Pūrongo Paerewa Paetae

Ko ngā ākonga i eke ki te Kairangi i te paerewa paetae nei.

Koinei ētahi:

- whakapapa.
- whānau, Hapū, Iwi
- whakawhanaungatanga.
- aroha.
- wairuatanga.
- manaakitanga.
- kotahitanga.
- ūkaipōtanga.



Te Marautanga o Aotearoa

Hauora

Rā Aromatawai

4 Hepetema & 11 Hepetema 2023

Te Momo Aromatawai

Tūmahi Aromatawai Pātahi

Te Paerewa Paetae

92059 (1.4) Kaupae 1

- rangatiratanga.
- pūkengatanga.
- tāuutuutu.
- te āhua me ngā tikanga o te whakawhanaungatanga o mua, o nāiane hoki.
- kua whai māramatanga mō te/ngā āhuatanga o te whanaungatanga.
- kua whai tauira hei whakamārama.
- kua ruku hōhonu i te puna tangata, i te puna rauemi, i te puna wheako hei whai mōhiotanga.
- kua kōrerotahi, wānangatahi, whakarongo tahi ki te tangata me ōna wheako.
- kua wānangahia tētahi kaupapa rongonui e whakatairanga i ngā āhuatanga o te whanaungatanga hei oranga whānau, oranga iwi.

Pūrongo Paerewa Paetae

Ka whakamārama i te hononga o te whanaungatanga ki te oranga.

- te noho tahi a ngā tēina me ngā tuākana
- te aroha me ngā taura tangata
- ngā hua o te mahi ngātahi
- te pānga ki te tuakiri o te tangata
- te tautoko, te atawhai
- te mana o te whānau, o te hapū, o te iwi
- te kiritau
- he kitenga kanohi, he hokinga mahara.
- Kua whakamahi tauira e kite ai, e rongu ai te hononga o te whanaungatanga ki te oranga.
- Kua whai ōna ake wheako, ngā wheako o tētahi kaupapa e tino whakaatu ai te hononga o ana mahi ki te oranga o te tangata, o te whānau, o te iwi.
- Kua kōrerohia ngā take.

Ka āta taunakitia ngā whakaaro.

- Kua whakatauiria i ngā whakaaro, kua whai puna tangata, puna rauemi, puna wheako e whakataunaki ai i te whanaungatanga
- E hāngai ana ki ōna ake wheako me ana rōpū, rāngai, kāhui.
- Kua whai taunakitanga e kaha rangona ai, e kaha kitea ai ngā āhuatanga whanaungatanga.



Te Marautanga o Aotearoa

Hauora

Rā Aromatawai

4 Hepetema & 11 Hepetema 2023

Te Momo Aromatawai

Tūmahi Aromatawai Pātahi

Te Paerewa Paetae

92059 (1.4) Kaupae 1

- Kua whakamahi rānei/hoki i ngā tauira nō te ao Māori me ngā pānga ki te oranga o te tangata

Ko ngā ākonga i eke ki te **Kairangi**: I āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

- Kua ruku hōhonu ki te whai urupare ki ngā pātai nei. Kua tūhono i ngā kaupapa matua katoa hei whakatau whakamutunga e ora ai te tangata, te whānau.
- Kua parahau ngā kaupapa matua o te whanaungatanga hei oranga whānau, oranga tangata.
- Kua whakatakotohia he kaupapa āwhina, tautoko i te oranga tangata.
- Kua whakaputaina he mahere me ngā hua o tēnei aromatawai hei oranga mō tangata kē.
- Kua āta ārahi i te tangata i te whakamahinga o te rauemi tautoko i a ia anō.

Ko ngā ākonga i eke ki te **Kaiaka**:

I kōrerohia ngā wheako whanaungatanga i te kura

- Ka whiriwhiri, ka whakaaro ki ngā momo āhuetanga matua o te whanaungatanga.
- Ka whakaahua i te hononga o te whanaungatanga ki te oranga.
- Ka taunakitia ngā whakaaro.
- Ka mutu, ka āta kōrerohia ngā taipitopito.

Ko ngā ākonga i eke ki te **Paetae**:

Ka whiriwhiri, ka whakaaro ki ngā momo āhuetanga matua o te whanaungatanga.

- I whai kaupapa e kaingakaunui ana.
- He kaupapa takirōpū.
- I kōrerohia ngā mahi hei whakawhanaungatanga mā te rōpū/rāngai/kāhui



Te Marautanga o Aotearoa

Hauora

Rā Aromatawai

4 Hepetema & 11 Hepetema 2023

Te Momo Aromatawai

Tūmahi Aromatawai Pātahi

Te Paerewa Paetae

92059 (1.4) Kaupae 1

Ka tautohu i te hononga o te whanaungatanga ki te oranga.

- He tautohu i ngā hua o ngā mahi whakawhanaungatanga ki tana oranga, ki te oranga o te rōpū/rāngai/kāhui

Ka taunakitia ngā whakaaro.

- Ka whakaaturia hei titohunga (rauata) hei taunakitanga.
- He kapo i te/ngā whakaahua
- He raupapa i ngā momo mahi whakawhanaunga

Ko ngā ākonga kāore i eke ki te Paerewa Paetae nei:

- Kāore ngā taunakitanga i hāngai ki ngā paearu paetae o te paerewa paetae.
- Ahakoa i timata, kāore i oti i te ākonga i te mahi.

Kei te tārewa tonu



2023 NCEA Pūrongo Aromatawai

Te Marautanga o Aotearoa	Hauora
Rā tuku Aromatawai	13 Maehe - 25 Oketopa 2023
Te Momo Aromatawai	Kete Manarua (Digital Submission)
Te Paerewa Paetae	92058 Kaupae 1

Wāhanga 1: He Tirohanga Whānui

He paerewa paetae e whai wāhi atu ki ngā wheako ā te ākonga. Ka taea e te ākonga te whakahāngai i ōna ake wheako ki ēnei paerewa paetae.

He kaupapa e whakaatu ai te kaitiakitanga (92058).

Wāhanga 2: He kōrero mō te Paerewa

92058: Te whakaatu māramatanga mō te kaitiakitanga

Te Aromatawai

Nā te ākonga anō i kōwhiria te horopaki aromatawai. Nā te ākonga anō te āhua o te taunakitanga i whakatau. Ko ngā kaupapa i kōwhiria ko tētahi wāhi taiao whai hiranga ki te iwi; te waihanga taonga me te tū hei kaitiaki taonga.

Tirohanga

I kounga ngā mahi a ngā ākonga. He aronga nui ki te taiao o te hāpori me ngā kōrero tuku iho. He aronga hoki ki tētahi taonga hei oranga whānau. He puna tangata, he puna wheako, he mahi ā ringa, he hanga, he whakarauora i ngā kōrero tuku iho, he whai hoki i ngā tikanga tuku iho.

Pūrongo Paerewa Paetae

Ko ngā ākonga i eke ki te **Kairangi**:

Ka whakatau i ngā tino āhuatanga matua o te kaitiakitanga.

Koia nei ētahi:

- te mauri me te tapu
- te āhua me ngā tikanga o te kaitiakitanga o mua, o nāianei hoki
- Ko wai ngā kaitiaki? E tiaki ana i te aha?
- te mana whenua, te ahi kā
- te mana whakaheke, te mana tūpuna
- te whakapapa
- ngā rāhui
- ngā ture o nāianei, pēnei i Te Ture Whakahaere Rawa
- ngā tikanga hei tiaki i tētahi taonga.



2023 NCEA Pūrongo Aromatawai

Te Marautanga o Aotearoa	Hauora
Rā tuku Aromatawai	13 Maehe - 25 Oketopa 2023
Te Momo Aromatawai	Kete Manarua (Digital Submission)
Te Paerewa Paetae	92058 Kaupae 1

Ka whakamārama i te hononga o te kaitiakitanga ki te oranga.

Koia nei ētahi:

- te pānga ki te mana, ki te kawenga o te whānau, o te hapū, o te iwi ko rātou ngā kaitiaki
- te whakaora ake i te kaitiakitanga hei tikanga tuku iho
- te pupuri ki ngā tikanga tuku iho a te iwi, a te hapū, a te whānau
- te pānga ki te mauri o te whenua, o te taiao
- te pānga ki ngā uri whakaheke.

Ka āta taunakitia ngā whakaaro.

- He puna wheako, puna tangata, puna rauemi hei taunakitanga e kaha kitea ai, e kaha rangona ai te mauri o te kaupapa me te mōhio pū o ngā ākonga ki tō rātou kaupapa. He whakaahua, he kiriata, he rārangi raupapa mahi, he pārongo pāiroiro, he taunaki e mārama ai, e rongu ai te kaipānui, te kaimātakitaki, te kaiwhakarongo.

Ka mutu, ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

- He whai whakaaro ki ngā pātai e arohaehae ai te kaupapa me te ruku hōhonu ki ngā take i pēnei ai, me pēwhea hoki e whai oranga te taiao, te ākonga anō hoki. He wānanga i ngā hua taiao, i ngā hua ā ngā mahi whakarauora hei oranga tangata, whānau, hapū, iwi, kaupapa hoki.
- I tino rongu, i kite ā whakaahua, a kiriata hoki i hono a wairua, a ngakau, a tinana te ākonga ki te kaupapa. He nui ngā wheako ruku hōhonu ai te ākonga i tana kaupapa. He maha ngā puna mōhiohio, puna tangata hei ārahi, hei tautoko i te ākonga ki te whai urupare ki ngā pātai 'he aha ai?', i te 'Ka pēwhea?' rānei. Nā te ringa raupā, nā te whakarongo, nā te mahi tahi, nā te whanaungatanga, nā te wānanga i te take i eke ai. He hua maha i te kaupapa.
- Nā ngā tikanga tuku iho i ārahi te ākonga i ana mahi. Ka tū te ākonga hei kaihangarau, hei kaitiaki hoki.



2023 NCEA Pūrongo Aromatawai

Te Marautanga o Aotearoa	Hauora
Rā tuku Aromatawai	13 Maehe - 25 Oketopa 2023
Te Momo Aromatawai	Kete Manarua (Digital Submission)
Te Paerewa Paetae	92058 Kaupae 1

Ko ngā ākonga i eke ki te **Kaiaka**:

Ka whiriwhiri, ka whakaaro ki ngā momo āhuetanga matua o te kaitiakitanga.

- He kōrero i ngā akoranga nō te puna tangata, puna wheako, puna rauemi.
- He tautohu, he whakaahua te mahi

Ka whakaahua i te hononga o te kaitiakitanga ki te oranga.

- He whakaahua i ngā momo hononga

Ka taunakitia ngā whakaaro.

- He hora i ngā taunakitanga rerekē
- He whakaahua
- He kiriata paku

Ka mutu, ka āta kōrerohia ngā taipitopito.

- He whai whakaaro ki tētahi kaupapa mō te anamata
- He pūmahara mō te kaupapa nei

Me whai whakaaro ki ngā pātai 'he aha ai?', 'ka pēwhea?' hoki. Me whai urupare ki te take i pēnei ai.

Ko ngā ākonga i eke ki te **Paetae**:

Ka whiriwhiri, ka whakaaro ki ngā momo āhuetanga matua o te kaitiakitanga.

- I tautohu tētahi kaupapa. I tautohu hoki i ngā āhuetanga matua o te kaitiakitanga.

Ka tautohu i te hononga o te kaitiakitanga ki te oranga.

- I whai whakaaro, i tautohu te ākonga ki tētahi, ētahi taurira rānei o te hononga o te kaitiakitanga ki tana oranga, ki te oranga whānau, kura, hāpori, iwi rānei.



2023 NCEA Pūrongo Aromatawai

Te Marautanga o Aotearoa	Hauora
Rā tuku Aromatawai	13 Maehe - 25 Oketopa 2023
Te Momo Aromatawai	Kete Manarua (Digital Submission)
Te Paerewa Paetae	92058 Kaupae 1

Ka taunakitia ngā whakaaro.

He kōhinga kōrero kua tautohua. Kāore anō te ākonga kia tino whakaraupapa i ōna whakaaro heoi he tautohu, he tuku whakaaro, he wheako anō e hāngai ana ki a ia me tōna kura, tōna whānau rānei. Kua taunakitia hei titohunga ata (rauata) poto, heoi kua kapohia tonu ngā taunakitanga matua.

Ko ngā ākonga kāore i eke ki te paerewa paetae nei:

- Kāore te taunakitanga i hāngai ki ngā paearu paetae o te paerewa paetae
- Kāore i oti i te ākonga te mahi

